



Universitätsbibliothek Paderborn

**Hermes Theologicvs, Id est Synopsis totius Theologiæ,
perspicuè, doctè, subtiliter, ac breviter discussa**

Et In octo Partes ... distincta ...

De Angelis Actibvs humanis, & Legibus

Vindalium, 1646

Cap. VIII. De voluntate Angelica, & eius actionibus.

urn:nbn:de:hbz:466:1-38834

¶ ¶ ¶ ¶ ¶ ¶ ¶ ¶ ¶ ¶ ¶ ¶

CAPUT VIII.

*De voluntate Angelicâ & eius
actionibus.*

CONCLUSIO I.

IN Angelis est voluntas, & liberum, arbitrium, non tamen appetitus irascibilis.) Ita S. Thomas i. p. q. 59. Primum probat art. i. in hunc modum. In iis est voluntas qui habent inclinationem ad ipsum bonum vniuersaliter apprehensum, talis siquidem inclinatio est voluntas; sed Angeli inclinantur ad ipsorum bonum vniuersaliter apprehensum, quatenus sunt creaturæ intellectuales, ergo in iis est voluntas Probatur minor, nam quælibet res inclinatur ad bonum, sed cum discrimine, quædam enim inclinatur in bonum per solam naturalem habitudinem, sine cognitione, ut plantæ & talis inclinatio vocatur appetitus naturalis; quædam verò inclinantur ad bonum cum aliqua cognitione, non quidem sic ut cognoscant ipsam rationem boni in communi, sed ita ut tantum cognoscant

DE ANGELIS. CAP. VIII. si
aliquid bonum particulare , sicut sensus
qui cognoscit dulce ; & album; & incli-
natio hanc cognitionem sequens dicitur
appetitus sensitivus : alia denique incli-
nantur ad bonum, cognoscendo ipsam ra-
tionem boni, & haec cognitio est propria
intellectus, quam sequitur inclinatio in
bonum ipsam vniuersale, quæ est volun-
tas.

Secundum probat art. 3. tum quia li-
berum arbitrium est in hominibus, ergo
multò magis in Angelis: siquidem liber-
tas pertinet ad perfectionem, Angeli au-
tem sunt perfectiores hominibus : tum
quia in eo est liberum arbitrium , quod
potest agere ex iudicio libero, atqui An-
geli possunt agere ex iudicio libero,
quia cum sint intelligentes , cognoscunt
vniuersalem rationem boni ex qua pos-
sunt iudicare hoc vel illud esse bonum;
ergo habent liberum arbitrium.

Confirmatur , nam sunt nonnulla quæ
non habent liberum arbitrium, quia non
agunt ex aliquo iudicio, sed quasi ab aliis
acta , & mota sicut sagitta à sagittante
mouetur ad scopum : aliqua vero agunt
ex quodam arbitrio, sed non libero, sicut
animalia irrationalia. Ovis enim fugit
Lupum, ex quodam iudicio minimè li-
bero, sed à natura determinato, quo exi-

C 2

§2 TRACTATVS

stimat cum sibi esse noxium, adeoque non habet liberum arbitrium. Contrà ergo quia in Angelis est liberum iudicium, in his etiam est liberum arbitrium, idque nobiliori modo quam in hominibus, cum perfectiori intellectu praediti sint.

Tertium probat art. 4. quia in Angelis est solus appetitus intellectivus, ille autem non dividitur in irascibilem, & concupisibilem: siquidem potentiae non distinguuntur per materialem distinctionem obiectorum, sed solum secundum diuersam formalem rationem eorum, ut patet in visa qui non distinguitur in varias potentias secundum diuersitatem colorum, quia fertur in colorem secundum rationem communem coloris: atqui appetitui intellectivo respondet unum obiectum secundum unam rationem formalem communem, scilicet bonum in ratione boni: ergo appetitus Angelii non distinguitur in irascibilem, & concupisibilem.

CONCLUSIO II. In Angelis est dilectio naturalis, & electiva.) Vtraque pars est S. Thomae i p. q. 60. Priorem autem probat art. 1. quia prius semper saluator in posteriori, natura autem prior est quam intellectus, quia natura

cuiusque rei est essentia eius : vnde id quod est naturæ oportet saluari etiam in habentibus intellectum ; est autem hoc commune omni naturæ , vt habeat aliquam inclinationem : quæ est appetitus naturalis vel amor , diversimode tamen secundum cuiusque modum ; & quidem in natura intellectuali secundum voluntatem , in sensitua , secundum appetitum sensituum , in natura verò carente cognitione , secundum ordinem naturæ in aliquid: cum ergo Angelus sit naturæ intellectualis , oportet quod in voluntate eius sit naturalis dilectio .

Posteriorem probat art. 2. tum quia Angeli sua dilectione aliquid merentur , vel demerentur , non naturali , ergo electiuastum quia hoc nullam in Angello dicit imperfectionem , vt patet , quia actus appetitiæ virtutis , est secundum ordinem appetentis ad res , quarum aliqua suat secundū se appetibiles ut finis , aliæ tantum per ordinem ad aliud , ut media . Vnde non oritur ex imperfectione appetentis , quod naturaliter aliquid appetat ut finem , & aliquid per electionem ut media ac proinde nihil vetat , quin ponatur in Angelis dilectio non modo naturalis , sed etiam electiua .

Nota 1. ex art. 3. Angelum se ipsum

C. 3.

diligere dilectione naturali, & electiua,
quia res quaelibet etiam cognitione ca-
rens, naturaliter appetit consequi id
quod est sibi bonum, sicut ignis locum-
sursum. Vnde Angelus, & homo natura-
liter appetunt suum bonum, & suam per-
fectionem: cùmque sibi velle bonum sit
amare seipsum, consequens est Ange-
lum seipsum dilectione naturali dili-
gere. Quia verò aliunde Angelus sibi de-
fiderat aliquod bonum per electionem,
hinc seipsum amat dilectione electiua.

Nota 2. ex probabiliori sententia, An-
gelum se libere amare quoad exercitium,
si enim potest abstinere ab actuali sui ip-
sius consideratione, ut supra ostensum est;
consequenter potest seipsum actu non
diligere; cùm impossibile sit ut se actu di-
ligat, quin actu de se cogitet.

C O N C L V S I O III. Vnus An-
gelus naturaliter alium diligit sicut seip-
sum, & Deum plusquam seipsum.) Prio-
rem partem tradit. S. Tho i. p.q. 60. art.
4. quia cum Angelus naturaliter diligit
se ipsum, consequenter diligit id omne
eum quo est vnum in naturalibus. Atqui
omnes Angeli sunt vnum in natura, cùm
conueniant in eodem genere, ergo vnum
alium naturaliter diligit tanquam seip-
sum; ita scilicet ut hæc particula, tan-

DE ANGELIS. CAP. VIII. 55
quam significet multitudinem, non aequalitatem. In quantum tamen unus Angelus conuenit cum altero in quibusdam aliis, vel in quantum unus ab altero differt, sic non diligit eum dilectione naturali.

Nota, amorem quo unus Angelus alium diligit ratione naturae, esse necessarium quoad specificationem, quia sub eo respectu non potest eum odio habere; non tamen esse necessarium quoad exercitium, quia si Angelus potest cessare ab amore actuali quo seipsum diligit, multo magis poterit abstinere ab amore naturali quo aliquis prosequitur; cum propria bonitas & perfectio, sit illi magis intrinseca, adeoque magis proportionata, ut cum insui amorem necessariò rapiat, quam bonitas cuiusvis alterius Angeli, quantumvis perfecta sit.

Posteriorem verò partem tradit art. 5.
& probat i. quia omne illud quod secundum id quod est alterius, est, naturaliter magis inclinatus in id cuius est, quam in seipsum: sed Angelus secundum id quod est, Dei est, ergo, &c. Maior ostenditur exemplo rerum ratione carentium, quae magis inclinantur in id cuius sunt, quam in se ipsas; manus enim se exponit ictui absque deliberatione, pro conseruacione

56 TRACTATVS

suppositi. 2. quia si Angelus plus se-
quam Deum naturaliter diligenter seque-
retur naturalem illius inclinationem esse
peruersam. Item naturalem dilectionem
per charitatem non perfici, sed potius
destrui, quia scilicet charitas inclinat
ad Deum magis amandum quam se.

Nota 1. amorem amicitiae quo An-
gelus naturaliter Deum diligit, esse ne-
cessarium quoad specificationem, quate-
nus non potest Angelos considerans,
Deum esse ens summè bonum, infinitè
perfectum, ac per se amabile, in illum
ferri actu odij 2. talern amorem non es-
se necessarium quoad exercitium, quia
Angelus cognoscendo se, veluti reflexè
cognoscit Deum: sicut ergo non se co-
gnoscit necessariò quoad exercitium, ita
nec Deum, ac proinde ab actuali illius
amore vacare potest. Et idem dici potest
de amore concupiscentiae.

